

बर' सलमा
दाहार आरो समाजारि सावगारि



सुजुगिरि
प्रसान्त बर'

The Book "**BORO SOLOMA-DAHARARW SOMAJARI SAOGARI**"
Published by the Department of Bodo, Rangapara College is a collection
of various articles from the UGC Sponsored National Seminar on "THE
REFLECTION OF TRIBAL LIFE IN THE NOVELS OF INDIAN LAN-
GUAGES" Edited by Prasanta Boro and Published by the Department of
Bodo, Rangapara College, Sonitpur, Assam.

ISBN : 978-81-923478-2-0

First Edition : October, 2017

Price : Rs. 500/-

Printed at : K. B. Offset
Dhekiajuli-784110
Email : kbinfotek@gmail.com

Contents

- ☐ मैहुर सल'मायाव बेरखांनाय बर'नि समाज आरो हारिमुवारि सावगारि / ड. तुलन मसाहारि / 1
- ☐ मनरन्जन लाहारिनि 'दाइनि': आधिखाल बिनि गोहोम / सुनिलाल बसुमातारि / 9
- ☐ रीता चौधुरीनि 'देउलांखुइ' सल'मानि सायाव मोनसे सावरायनाय / ड^० रिता बर' / 15
- ☐ थेंफाखि तहसिलदारर तामर तरुवालआव बर'फोरनि समाजारि सावगारि / राजेन्द्र कु. बसुमतारी / 26
- ☐ मुस्लि कान्तेस्वर दैमारि लिरनाय "फागुनि" सल'माव बर' समाजारि- हारिमुनि सावगारि / फनिधर बसुमतारि / 32
- ☐ आइदा : सारलुं सलमायाव बेरखांनाय बर' समाजनि समाजरि सावगारिनि सायाव सावरायनाय / रितेन बसुमतारि / 39
- ☐ विप्राय आरो दैसाय सल'मायाव बेरखांनाय जांखिथायारि सावगारि / प्रसान्त बर' / 44
- ☐ जुजायनि अर सल'मायाव नुजानाय समाजारि बिथिं / दधिराम ब्रह्म / 49
- ☐ मनरन्जन लाहारिनि सल'मानि थिम (Theme) नि सायाव मोनसे सावरायनाय / अनसुमै बसुमतारि / 52
- ☐ मैहुर सल'मायाव बेरखांनाय बर'फोरनि समाजारि सावगारि : आंनि मोनसे बिजिरनाय / ड० नरेस्वर नाज्जारि / 55
- ☐ आयदा - मनरन्जन लाहारीनि दाइनि? सलमायाव बेरखांनाय बर'फोरनि समाजारि सावगारि / रैसुमै खाख्लारी / 63
- ☐ 'खारलुं' सल'मायाव बेरखांनाय बर'फोरनि समाजारि सावगारि / Nanima Boro / 68
- ☐ गुण'कान्त बरुवानि 'आं दायनि नडा' असमिया सलमायाव बेरखांनाय बर' समाजारि सावगारि : बेनि मोनसे बिजिरनाय / Albert Boro / 72
- ☐ 'मन्जुबाला देवी' सल'मायाव बेरखांनाय समाजारि सावगारि / अनसुमा खुंगुर बड'सा / 77
- ☐ धरणिधर औवारिनि 'मैहुर' सल'मायाव बेरखांनाय सुबुं हारिमु : सुंद' सावरायनाय / अनसुमै दैमारि / 80
- ☐ मैहुर सल'मायाव बेरखांनाय बर' समाजारि सावगारि / हदानन्द ब्रह्म / 85
- ☐ बिप्राय आरो दैसाय' सल'मायाव बेरखांनाय बड'लेण्ड सोमावसारनाय आरो समाजारि सुबुं जिउ : मोनसे सावरायनाय / जयनति दैमारि / 91
- ☐ आयदा : 'हायना मुलि' सल'मायाव हायना मुलिनि गोहोमजों नखर सिलिंखार / महेन्द्र बसुमतारि / 97
- ☐ मन'रन्जन लाहारिनि आलायसि सल'मायाव बेरखांनाय बर' आयजोफोरनि आयजोआरि थामोन्थानि खुद्रिनाय: मोनसे बिजिरनाय / Mrs. Maidangsri Brahma / 103
- ☐ "हायना मुलि सलमायाव आयजो आयु" / Mamata Swargiary / 109

मैहुर सल'मायाव बेरखांनाय बर'नि समाज आरो हारिमुवारि सावगारि

ड. तुलन मसाहारि

बर' बिफानारि गाहाइ

एल. अ. के. डि. फरायसालिमा

1.00 जागायनाय :

बर' थुनलाइनि जारिमिनखौ नायोब्ला जों नुनो मोनो थुनलाइनि गुबुन गुबुन आयदाफोरनि उनावसो सल'मानि जोनोम जादों। थारै बुंनो थाडोब्ला नैजि जौथायनि द' जिथायनिफ्रायसो बर' थुनलाइआव सल'मानि जोनोम जायो। बर' सल'माखौ गिबियै लिरजेनदों 1962 माइथायाव चित्तरन्जन मोसाहारिया। सल'मानि मुडा जादों 'जुजायनि अर'। बै समनिफ्राय सानबोयोब्ला दिनैसिमबो सल'मानि अनजिमाखौ एसेल' बुंब्लाबो बारा बुंनाय जानाय नडा। दिनैसिम ओंखारनाय बर' सल'माफोराव जोंनि समाजनि बायदि बिथिनि बायदि सावगारिफोरखौ बेरखांनाय नुनो मोनो। अदेबानि बैफोर सल'मानि सायाव गुवार आरो गोथोयै लोगोसेनो संजिरारि खान्थिजों सावरायनाय नुनो मोनजोबाखै। बिनि जाहोनाव बैफोर थुनलाइनि बिदैखौ फरायगिरिफोरनि गेजेराव बुफुजोबनानै होनो हायाखै। लोगोसेनो बैफोर थुनलाइनि मान दान्दा थामहिनबा बेसेनथिनि जखा सुनायाव फेलें जादों। मानोना सावरायनाय आरो बिजिरनायनि गेजेरजोंसो मोनसे थुनलाइनि सायाव जौगानाय आरो गोसारनाय हाबाया जानानै फेयो। बेखायनो आंनि बे सावराय बिदाडाव मैहुर सल'मायाव बेरखांनाय समाज आरो हारिमुवारि सावगारिफोरखौ गुवारै सावरायनो नाजानाय जादों।

2.00 समाजारि सावगारि :

समाजारि सावगारि आरो हारिमुवारि सावगारिनि गेजेराव थि सोमोन्दों दंब्लाबो गोथोयै बिजिरब्ला जों नुनो मोनगोन बे मोननैनि गेजेराव फारागथि दं। समाजारि सावगारि एबा जेंनाफोरा माब्लाबाबो गोजोर जानो हाया। नाथाय हारिमुवारि आयदाफोरा मोनसे समाजाव सोलाय सोल'नि गेजेरजोंब्लाबो गोजोरै थायो। मानोना मानसिफोरनि साननाय हनाय आरो गोनांथिया अरायबो सोलायो आरो समजों खारफानो गोनां जायो। बेखायनो सोनसे समाजनि समाज गायसननाय, समाजखौ गोथों नेमखान्थिजों दैदेननाय, लोगोसेयैनो बिसोरनि इसिडारि आरो बायजोयारि जेंनाफोरा अरायबो समनि बोहैथि दाहाराव सोलायनांगौ जायो। बेफोर बायदि समाजनि जेंना थामहिनबा सावगारिफोरखौ जों नुबोगासिनो दं। बैफोरखौनो समाजनि दैदेनगिरिफोरा फोजोबस्रानायनि थांखिजों रायजो राजाखौ लानानै बायदि समाव सावरायनो गोनां जायो। समाजनि बैफोर सावगारि एबा जेंनाफोरखौनो सोरबाया खन्थाइ, रायथाइ आरो सल', सल'मानि गेजेरजों फोरमायनो नाजानायखौबो नुनो मोनबोदों।

3.00 समाज गायसननाय :

जोंनि बर'फोरा अरायबो ज' ज' थालायनानै रायजो जानो मोजां मोनो। बिसोरनि मोनथिस'यै समनिफ्रायनो आलो गोजोनै रायजो जाबोनायनि गुदियावनो दं गोजोर मोनसे समाज गायसननाय। नांगौबादि नेमखान्थिनि गेजेरजों समाजखौ आबुथियै दैदेनबोदों। बेखायनो मैहुर सल'मायावबो जों बर' रायजो राजाफोरखौ मोनसे गोजोर समाज गायसननानै रायजो जाबोनायनि सावगारिखौ रोखा रोखा नुनो मोनो। सल'मायाव बेरखांनाय बोरसि दैमानि सेर सेर गामि एबा समाज गायसननानै गोबां बर'फोरा जारिमिन मोनहास'यै समनिफ्रायनो बर'फोरा रायजो जाबोदों। बै बर' गामिफोरा जादों - अदालगुरि, नारेंगुरि, सासिबारि, खोबसिनफारा, खाग्राबारि, आस्राबारि, सामथायबारि, लांदांफारा, दिन्दांफारा, थालिरबारि, गला गामि आरो बरडाबारि। बेफोरबायदि